

商河縣志卷之四

禮樂志

昔子游以禮樂爲教而戶盡絃歌齊郡與鄒魯接壤前聖賢輟迹所及亟欲變而至道之鄉君子小人學道其易易哉況值

聖朝崇文養士敬天勤民彬彬然禮明樂備文質得宜矣士民沐浴

雅化宜如何濯磨砥礪以歌舞太平志體樂

學宮

學校在縣治東元至元四年創建正殿三間二十
三年重建東西廡各十一間戟門三間櫺星門三
間泮池在櫺星門內雲衢坊在正南神路至正十
六年縣尹梁守忠重修教諭江用禮有記明洪武
三年知縣葉安改建正統間知縣杜寧張必高增
修教諭宋梅有記天順成化間知縣劉俊寇源趙
景芳相繼修葺成化十九年知縣才寬闢民居建
櫺星門達於大街訓導金成有記宏治十六年知
縣王璣重修兩廡並塑賢像嘉靖十七年知縣胡

汝輔重修殿廡邑人孫孟舉有記三十八年知縣
潘德元重修櫺星門鑿泮池開神路四十五年知
縣史篆重修萬歷三年知縣越民化重修建雲衢
坊教諭石滋有記十三年知縣曾一侗重修二十
三年知縣譚曰選又修新建張位有記崇正末年
燬於兵火惟正殿僅存

國朝康熙六年邑貢生王永熙倡捐重修二十九年教
諭周澗邑人張若彩王維嶽馬志信趙憲重修四
十九年知縣曾一侗重修櫺星門五十八年知縣吳

增教諭劉應龍修大成殿乾隆六年教習周曰琛
募修東西南廡十一年邑人趙寶發修戟門二十
一年知縣陳錕教諭焦爾厚捐俸勸募重修二十
四年知縣周瑞倡捐重修四十年知縣史國輔重
修正殿嘉慶十一年知縣汪德潤重修正殿二十
一年知縣王仲衡重修兩廡祠宇門墻

殿廡

大成殿五楹 東西廡各九楹

按宋政和四年御書大成殿賜太學並曲阜孔

子廟仍頒其名於諸路州學從舒州司戶孔君
谷之請也自是郡縣學俱稱大成學

明倫堂 舊在文廟後成化十三年知縣楊英改
建於文廟之左明季燬於火順治十一年知縣施
泰重建乾隆十七年知縣陳鋁倡捐重修嘉慶
十一年知縣王仲澍捐修

按漢永平十五年明帝東巡幸孔子宅親御
堂此堂之見於闕里者魏晉以後凡建學之地
皆有講堂元至元十三年雲南行省平章賽典

亦始建明倫堂因下其式於諸路明洪武十五年詔顏卧碑置明倫堂左碑用石橫卧而刊其文凡八條

碑類

元大德十一年加封孔子至聖文宣王碑

嘉靖十二年山東巡撫陳鳳梧立五帝三王周孔

顏曾思孟贊碑

順治中

依刊立卧碑明倫堂壁

欽依出榜曉示郡邑諸生碑明倫堂壁

康熙二十三年

欽頒萬世師表額二十五年

孔子贊碑 二十八年顏曾思孟贊碑

雍正四年

欽頒生民未有額 河東總督王士俊禁碑

乾隆三年

欽頒與天地參額 乾隆十四年平定金川告成太學碑

文一道 二十年平定準噶爾告成太學碑文一

道

嘉慶三年

欽頒聖集大成額

道光元年

欽頒聖協時中額

敬一亭 在明倫堂東迤南康熙六年邑貢生王

永熙重修

人記

按明嘉靖五年世宗作敬一箴頒之太學遂經

心箴作亭覆之因名

泮池 在櫺星門內邑人趙憲重修

按諸侯之樂半於天子故魯頌有在泮之文鄭
康成曰泮之言半也半水者東西門以南通水
北無也今建學必有泮池昉此

櫺星門三楹通判袁彥芳重修康熙四十九年知
縣沈慶曾重修

按舊名戟門宋建隆元年詔立十六戟於廟側
大觀四年增立二十四戟如王者制明嘉靖

戟戟門曰先師廟門廟門外又設櫺星門以著尊崇之義

戟門三楹 邑人馬志信重修

學門 康熙三十九年邑人王銘新重修乾隆六年署知縣濱州知州汪無限重修

齋房 宏治十三年知縣徐朝元創建列於明倫

堂前左曰居仁右曰由義

今地

崇聖祠三楹 舊在文廟後知縣王郁改建明倫

堂左康熙六年生員王幹李廷棟等重修乾隆二

十一年神祇捐資重修統以周垣

按宋大中祥符元年詔封孔子父叔梁紇爲齊國公聖母顏氏爲魯國太夫人元亨順元年加封聖父爲啟聖王聖母爲啟聖主夫人明嘉靖九年詔去啟聖王封爵令國子監並天下學宮皆建

啟聖祠

國朝雍正元年

議追封

孔子先世五代禮部議奏

孔子先世五代應俱封公爵奉

上諭五倫爲百行之本天地君親師人所宜重而天地君親師之義又賴師教以明自古師道無過於孔子誠首出之盛也我

皇考崇儒重道超軼千古凡尊崇

孔子典禮無不備至朕蒙

皇考教育自幼讀書心切景仰欲再加尊崇更無可增之

處故勅部追封

孔子出世五代今部議封公上考歷代帝王皆有尊崇
之典唐元宗封

孔子爲文宣王宋眞宗加封至聖文宣王封

聖父叔梁紇爲齊國公元加封

孔子爲大成至聖文宣王加封齊國公爲啟聖王明嘉
靖時以王猶係臣爵改稱爲

至聖先師孔子改啟聖王爲啟聖公王公雖俱屬尊稱
朕意以爲王爵轉尊

孔子五世應有封王之虞著諸大臣具奏遵

旨議定自梁叔公以上至木金父公凡五代追封爲王爵
木金父公爲肇聖王

祈父公爲裕聖王

防叔公爲貽聖王

伯夏公爲昌聖王

叔梁公爲啟聖王其啟聖祠向係專祀

以梁公故以啟聖爲名今

聖廟異數合祀五代應更名爲

崇聖祠將追封字樣通行順天府直隸省兩州縣

體遵行

名宦祠三楹 在文廟戟門東康熙六年邑武進士孟泰重修

鄉賢祠三楹 在文廟戟門西康熙六年生員孫思發重修康熙三十九年邑人張超王宇偉倡捐重修乾隆六年署縣事濱州知州汪無限重修乾隆十八年邑人馬珍張桃修葺繞以周垣

按明洪武四年詔天下學校各建先賢祠左祀賢牧守令右祀鄉賢此二祠建立附學之始也

前置主入祠皆由督撫學臣採訪爲政雍正
年定例名宦鄉賢除故明以前不議外所有
本朝應入二祠人員皆由

題請經部議覆而後定

忠義祠 在樞星門內迤東邑人王四輩有記

節孝祠 在樞星門內西南隅

射圃亭 在文廟後

今
圯

按古者習射於澤宮禮記夫子射於矍相之圃
此各學均置射圃之義明洪武三年詔定學校

射儀二十五年定每月朔望習射於射圃

神厨

宰牲所俱在文廟後迤東

久廢

黜謫廡 在明倫堂後知縣曾一桐建明末圯

熙七年貢生王永熙倡邑生捐建儒學門內迤東

今圯

訓導廡 在明倫堂後

銅三件 用以應奉 三足口有兩耳覆一蓋旋